



Inatsisartuni Ilaasortaq  
Naaja. H. Nathanielsen, Inuit Ataqtigiit  
/MAANI

**§ 37- tunngavigalugu apeqquaqqaatinut akissutit olie akulik piffiillu  
eqqissisimatitat Inatsisartuni ilaasortamit Naaja H. Nathanielsen, Inuit  
Ataqtigiinneersumit apeqquaqqaatigineqartut.**

Asasarput Naaja. H. Nathanielsen,

27. juni 2014 Naalakkersuisunut apeqquaqqaateqarsimavutit Inatsisartut *Inatsisaannik  
allannguuteqarumallutit imartatsinni mingutsitsisoqarneranut*, oliemik akulimmik  
piffinnillu eqqissisimatitassanik pilersitsiumallutit. Apeqquaqqaaternut qujavunga,  
aajukulu akissutikka:

- 1) **Kalaallit Nunaanni 3 sømilep iluani imaluunniit sumiiffinni  
aalajangersimasuni orsussap akullip atorneqannginnissaanut Naalakkersuisut  
inatsisiliornialersaernerlutik?**

Naalakkersuisut umiarsuarnik mingutsitsinerit nunatta imartaani killilerneqarnissaat  
pingaarnertut isigivaat. Arlalinnilli Naalakkersuisut peqquteqarlutik  
massakuugallartumut ikummatissanik akuukkamik nunatta sineriaata imertaa kisiat  
eqqarsaatigalugu inatsisiliornialersaanngikkallarput.

Siullertut qulakkeerneqaaqqaartariaqarpoq inatsisitigut tunngavissaqarnerisooq.  
Naalakkersuisut qulakkeeqqaarusuppaat ilumut inatsisitigut periarfissaqarnerisooq  
imartatsinni mingutsitsisoqannginnissanut inerteqquteqarsinnaanitsinnut  
ikummatissanik aalingersimasunik atoqqusinnginnitsigut (inatsisiliornissamut  
siunnersuut § 33) massakorpiaq tusarniaassutaavoq pilersaarutaallunilu EM 2014-mi  
eqqartorneqarumaarnissaa.

Tullissaatut Naalakkersuisut pingaartippaat, nunarsuaq tamakkerlugu inatsisit qallunaat  
imartaminnut inatsisitigut maleruagassiaat kalaallit-nunaannilu aatsitassaqaarnikkut  
inatsisitkiisalu imartatsinni sømilit pingasut avammut maleruagassat imminnut  
ataqtigiilluinnarissaat. Taamaattumik Naalakkersuisut naatsorsuutigilluinnarppaat  
polarkodep sammeneqarnera IMO-mi naammassineqarumaartoq. Polarkodep  
siunertaraa issittup imartaani immakkut angallanneq avatangiisillu ataatsimoorussamik  
inatsisiliuunneqarnissaa teknikkikkut pinngortitamullu. Ilimagineqarpoq polarkodep  
IMO-p avatangiisinut komitéata akuerissagaa upernaq 2015-mi.

Tassunga tunngatillugu aammattaaq Naalakkersuisut naliliipput, sissuertariaqartoq  
silarsuarmut tamarmut atuuttunik inatsisinik nunatsinnik immikkut eqqussuinissarput  
ass. umiarsuit silarsuarmi tamarmi angalasut orsussamik oqimaatsumik  
atuunnginnissaanik imartatsinni inerteqquteqalernissaaq imartatta ilaannaaniinnaq  
atuuttussamik uffa aamma issittup imartaani allani atuutinngitsoq. Avatangiisitsinnik  
illersuiniarnitsinni orniginartinneruarput inatsisit killiliisut pitsannguisullu imartatsinnut  
tamarmut atuuttut. Tamannalu taamaallaat anguneqarsinnaavoq silarsuaq

14-07-2014  
Sags nr. 2014-101448  
Dok. nr. 1635446

Postboks 1614  
3900 Nuuk  
Tlf. (+299) 34 50 00  
Fax (+299) 34 54 10  
E-mail: apn@nanoq.gl  
www.naalakkersuisut.gl

tamakkerlugu avatangiisitigut illersuiniaqatigiit IMO Issittumilu Siunnersortit suleqatiginerisigut.

- 2) Sumiiffinni aalajangersimasuni "emission control areas"-inik, (tassa sumiiffiit ilaanni umiarsuit aniatitsinerannut tunngatillugu sakkortunerusunik piunasaqaateqartoqarnissaanik), pilersitsinikkut Naalackersuisut mingutsitsinermik annikillisaanialersaernerlutik?**

Naalackersuisut massakkorpiaq pilersaaruteqanngillat piffinnik eqqissimatitaqalernissamik eqqussissallutik. Qulaani taakkartorneqartut pingaarnertut peqqutigaaqut. Immikkut aamma taasinnaavarput nunatta imartaani angallattut killeqaqimmata nunanut allanut naleqqiullugu soorlu europamut, Østersø Botniske Bugtilu.

Naalackersuisut taamaammat naliliippot piffissaanngitsoq alloriarnermik taamaattumik iliuseqassallutik soorlu imartatsinni eqqissimatitanik pilersitsiortorluta.

- 3) Qulaani allanneqartunut tunngasut imaanut inatsisissamut ukiarulu akuersissuti-gineqartussamut nutaamut ilanngunneqarsimanninnerat sumik patsiseqarpa?**

Naalackersuisut utaqqimaaginnarpaat polarkodep inaarsarneqarnissaa taamaalippammi inatsisitigut periarfissaqalertussaavugut qanoriliuseqarnissamut. Inatsimmik tunngavissaqalerutta ikummatissat aaliangersimasut atuunnissaannik maleruagassiorsinnaalissaagut aammattaaq ikullaassaammik qanoq annertutigisumik akoqarsinnaanera kiisalu uloriarnartortalinnik silaannarmut aniasunut tunngasumik aaliangersinnaanissamut tunngavissinneqassalluta.

Inussiarnersumik inuulluaqqusillunga

Kim Kielsen